



MEginherus eruditione & pietate nulli suo tempore secundus extitit. Hic in sua adolescentia, ut commodius literis incumbere posset, monasterium Hirsueldense, in quo celeberrima schola extitit, ingressus est. Ibi cum indies doctrina & uirtutibus proficeret, eius loci abbas omnium consensu electus est. Erat hic (ut Lampertus Schaffnaburgius eius loci monachus inquit) uir magnarū in Christo uirtutum, & uerè (quod omnium aliorum abbatum pace dixerim) unicū suæ ætate in Teutonicis regionibus rectè ac monasticè uiuendi exemplar. Ab eius disciplina Lampertus in salutato Hierosolymam discesserat, atq; plu-

rimum timebat, ne ante iuum reditum, priusquam ei reconciliaretur, is in Domino obdormiret. Verū Dei benignitate eum saluū inuenit, atq; obuijs ulnis ab eo receptus fuit. Cum etiam ab eo absolutionem impetrasset, Meginherus eodem die febre correptus interiit, quasi ex industria uita eius ad Lamperti reditum conseruata fuisset.